

श्री हनुमान चालीसा & आरती

श्री हनुमान चालीसा

=====

बोलो सियावर रामचंद्र भगवान की जय ।

पवन सूत हनुमान की जय

उमापति महादेव की जय ।

बोलो भाई सब संतन की जय ।

मंगल भवन, अमंगल हारी,

द्रबहु सु दशरथ, अचर बिहारी ॥

॥ दोहा ॥

*श्रीगुरु चरन सरोज रज, निज मनु मुकुरु सुधारि ।

*बरनऊं रघुबर बिमल जसु, जो दायक फल चारि ॥

*बुद्धिहीन तनु जानिके, सुमिरौं पवन कुमार ।

*बल बुद्धि बिद्या देहु मोहिं, हरहु कलेश बिकार ॥

॥ चौपाई ॥

जय हनुमान ज्ञान गुन सागर ।

जय कपीस तिहुं लोक उजागर ॥ 1 ॥

रामदूत अतुलित बल धामा ।

अंजनि पुत्र पवन सुत नामा ॥ 2 ॥

*महाबीर बिक्रम बजरंगी ।

कुमति निवार सुमति के संगी ॥ 3 ॥

*कंचन बरन बिराज सुबेसा ।

कानन कुंडल कुंचित केसा ॥ 4 ॥

**हाथ बज्र और ध्वजा बिराजै ।

कांधे मूंज जनेऊ साजै ॥ 5 ॥

**शंकर सुवन केसरीनंदन ।

तेज प्रताप महा जग बन्दन ॥ 6 ॥

विद्यावान गुनी अति चातुर ।

राम काज करिबे को आतुर ॥ 7 ॥

प्रभु चरित्र सुनिबे को रसिया ।

राम लखन सीता मन बसिया ॥ 8 ॥

*सूक्ष्म रूप धरि सियहिं दिखावा ।
बिकट रूप धरि लंक जरावा ॥ 9 ॥

*भीम रूप धरि असुर संहारे ।
रामचंद्र के काज संवारे ॥ 10 ॥

**लाय सजीवन लखन जियाये ।
श्री रघुबीर हरषि उर लाये ॥ 11 ॥

**रघुपति कीन्ही बहुत बड़ाई ।
तुम मम प्रिय भरतहि सम भाई ॥ 12 ॥

सहस बदन तुम्हरो जस गावैं ।
अस कहि श्रीपति कंठ लगावैं ॥ 13 ॥

सनकादिक ब्रह्मादि मुनीसा ।
नारद सारद सहित अहीसा ॥ 14 ॥

*जम कुबेर दिगपाल जहां ते ।
कबि कौबिद कहि सके कहां ते ॥ 15 ॥

*तुम उपकार सुग्रीवहिं कीन्हा ।
राम मिलाय राज पद दीन्हा ॥ 16 ॥

**तुम्हरो मंत्र बिभीषन माना ।
लंकेश्वर भए सब जग जाना ॥ 17 ॥

**जुग सहस्र जोजन पर भानू ।
लील्यो ताहि मधुर फल जानू ॥ 18 ॥

प्रभु मुद्रिका मेलि मुख माहीं ।
जलधि लांघि गये अचरज नाहीं ॥ 19 ॥

दुर्गम काज जगत के जेते ।
सुगम अनुग्रह तुम्हरे तेते ॥ 20 ॥

*राम दुआरे तुम रखवारे ।
होत न आज्ञा बिनु पैसारे ॥ 21 ॥

*सब सुख लहै तुम्हारी सरना ।
तुम रक्षक काहू को डर ना ॥ 22 ॥

**आपन तेज सम्हारो आपैं ।
तीनों लोक हांक तैं कांपैं ॥ 23 ॥

*भूत पिसाच निकट नहिं आवै ।
महाबीर जब नाम सुनावै ॥ 24 ॥

नासै रोग हरै सब पीरा ।
जपत निरंतर हनुमत बीरा ॥ 25 ॥

संकट तें हनुमान छुड़ावै ।
मन क्रम बचन ध्यान जो लावै ॥ 26 ॥

*सब पर राम तपस्वी राजा ।
तिन के काज सकल तुम साजा ॥ 27 ॥

*और मनोरथ जो कोई लावै ।
सोइ अमित जीवन फल पावै ॥ 28 ॥

**चारों जुग परताप तुम्हारा ।
है परसिद्ध जगत उजियारा ॥ 29 ॥

**साधु-संत के तुम रखवारे ।
असुर निकंदन राम दुलारे ॥ 30 ॥

अष्ट सिद्धि नौ निधि के दाता ।
अस बर दीन जानकी माता ॥ 31 ॥

राम रसायन तुम्हरे पासा ।
सदा रहो रघुपति के दासा ॥ 32 ॥

*तुम्हरे भजन राम को पावै ।
जनम-जनम के दुख बिसरावै ॥ 33 ॥

*अन्तकाल रघुबर पुर जाई ।
जहां जन्म हरि-भक्त कहाई ॥ 34 ॥

**और देवता चित्त न धरई ।
हनुमत सेइ सर्ब सुख करई ॥ 35 ॥

**संकट कटै मिटै सब पीरा ।
जो सुमिरै हनुमत बलबीरा ॥ 36 ॥

जै जै जै हनुमान गोसाईं ।
कृपा करहु गुरुदेव की नाई ॥ 38 ॥

जो सत बार पाठ कर कोई ।
छूटहि बंदि महा सुख होई ॥ 38 ॥

-जो यह पढ़ै हनुमान चालीसा ।
होय सिद्धि साखी गौरीसा ॥ 39 ॥

तुलसीदास सदा हरि चेरा
कीजै नाथ हृदय मंह डेरा ॥ 40 ॥

॥ दोहा ॥

*पवन तनय संकट हरन, मंगल मूरति रूप ।
राम लखन सीता सहित, हृदय बसहु सुर भूप ॥

मंगल भवन, अमंगल हारी,
द्रबहु सु दशरथ, अचर बिहारी ॥

आरती हनुमान जी की

=====

आरती कीजै, हनुमान लला की,
दुष्ट दलन, रघुनाथ कला की ॥

जा के बल से, गिरिवर कांपे* ।
रोग दोष जा के, निकट न झांके* ।
अंजनी पुत्र, महाँ बलदाई,
संतन के, प्रभु सदा सहाई ।
आरती कीजै,,,,,,,,,,,,,,,,,,,,,

दे बीरा रघु,नाथ पठाए * ।
लंका जारी, सिया सुध लाए * ।
लंका सो कोट, समुद्र सी खाई,
जात पवन सुत, बार न लाई ।
आरती कीजै,,,,,,,,,,,,,,,,,,,,,

लंका जारी, असुर सँहारे* ।
सियाराम जी के, काज सँवारे* ।
लक्ष्मण मूर्छित, पड़े सकारे
आन संजीवन, प्राण उबारे ।
आरती कीजै,,,,,,,,,,,,,,,,,,,,,

पैठी पाताल, तोरि यम कारे* ।
अहिरावण की, भुजा उखाड़े* ।
बाएं भुजा, असुर दल मारे,
दाहिने भुजा, संत जन तारे ।
आरती कीजै,,,,,,,,,,,,,,,,,,,,,

सुर-नर-मुनि जन, आरती उतारे* ।

जै जै जै, हनुमान उचारे* ।
कंचन थार, कपूर लौ छाई,
आरती करत, अंजना माई ।
आरती कीजै,,,,,,,,,,,,,,,,,,,,,

जो हनुमान जी की, आरती गावै* ।
बसि बैकुंठ, परम पद पावै* ।
लंका विध्वंस, कीन्ह रघुराई,
तुलसी दास, प्रभु कीरति गाई ।
आरती कीजै,,,,,,,,,,,,,,,,,,,,,

अपलोडर- अनिलरामूर्तिभोपाल

<https://bhajanganga.com/bhajan/lyrics/id/30532/title/shree-hanuman-chalisa-and-aarti>

अपने Android मोबाइल पर [BhajanGanga](#) App डाउनलोड करें और भजनों का आनंद ले ।